

الرشاد

س ر ا ١ ٣ ٣ ٠

اتبعون اهدكم سبيل الرشاد

والله يهدي من يشاء الى صراط مستقيم ديني ، علمي ، ادبي ، سياسي هفته لاق بمجموعة اسلاميه در

صاحب و مدير مسئول : ع . اشرف اديب

جلد ١ - ٨

٢٤ مايس ١٣٢٨

پنجشنبه

٢٠ جاذي الاخر ١٣٣٠

عدد ١٤ - ١٩٦

فطیویات

لورد کیچنرک مصر حقیقہ کی راپوری

عرب حاضرہ دائر بیاناتی

تایمسن :

انکاترہ نك مصر مأمور سیاسیسی لورد کیچنرک ۱۹۱۱ سنہ سنہ دائر اولان مفصل راپوری دون آقسام انکاترہ خارجیہ نظارتی طرفندن نشر وتوزیع اولنشد . مشارالیهک بوراپوری پک مفصل اولوب خطہ مصریه نك احوال زراعیہ ، اقتصادیہ و سیاسیہ سیلہ معارفی ، مجالس عمومیہ سی ، محاکم وامور عسکریہ سی وخصوصات سائرہ سی موضوع بحث اولنشد .

لورد کیچنرک بومناسبتلہ خطہ مصریه ایله ہم حدود و مجاور بولنان طرابلس وبنغازی محاربه سی حقیقہ دہ بعض بیاناتہ بولنشد .

لورد کیچنرک راپورندہ حرب حاضر حقیقہ شو صورتلہ اداره کلام ایتشد : « مأموراً مصره مواصلتی متعاقب ایتالیا حکومتی ناکھانی بر صورتہ

دولت عثمانیہ قارشو اعلان حرب و طرابلسہ ، بنغازیہ هجوم ایتشدی . بو کیفیت بوتون عالم اسلام وبالخاصہ مصر مسلمانلری اوزرینہ بویوک بر تأثیر حاصل ایتدیکی کبی مصرک حیات آسوده کیسینی ده اخلال ایتش واهالی بی فوق العادہ وامثالی نامسبق بر صورتہ ہیجانہ کتیرمشدر . بو هیجانک تزیادینہ باشلیجه خدمت ایدنلرمیانندہ مصرده کی غیرمشول بعض غزتلر کوستریله بیلیر . غزتلر طرفندن افکار عمومیہ تهییج ایدلنکی ایچون دزجال محاربه ایتکده اولان قومشولری حقیقہ مصرک همان هر طرفندہ اعانات درج ایدلش و بوکا بوتون اهالی ذکور وانات ، بویوک ، کوچوک عموماً اشتراک ایلندر . جمع ودرج ایدیلن مبالغ میدان حربہ ودر سعادتہ ارسال اولندیکی کبی ، آبروجه میدان حربہ ذخیره وسائرہ کوندلرکده باشلامش وپیدرپی دلال اجر جمعایتی ده تشکل ایدرک متعدد دوقتورلرله اجزاجیلر وبونلرہ لازمکن ادویہ و مالزمہ تدارک ایدیلوب سوق اولنشد .

حربک اعلانی متعاقب حکومت مصریه بیطرفلغنی اعلان ایتشدی . بیطرف قلمندہ وصغوق قانلیغنی محافظہ ایتکده حکومت مذکورہ ، مأمورلری طرفندن هر درلو ستایشه لایق بر اثر درایت کوسترلشد .

مصر لیلرک بو خصوصده کی هیجانلری طبیی برشی ایدی . دیانہ مشترک اولدینی کبی خطہ مصریه ایله طوغریدن طوغری به مجاور و ملاصق بولنان بنغازی و طرابلس عربانته قارشو ایتالیا طرفندن کوستریلن معاملات اعتسافکارانه واستیلاجویانہ دن طولانی مصر مسلمانلری هیجانہ دوچار اولقده معذور ایدیلر . اوتہ دن برو مصر ایله بنغازی آره سنندہ قرہ دن چولدن مواصلات و مناقلات تجاریہ جاری اولدیغندن ، هرابیکی عنصر بربرینہ مادہ ، دیانہ و تجارت بویوک ، متین برباغ ایله پک صیقی وقوی بر صورتہ مربوطدرلر . هر نه حال ایسه ، بالادہ تفصیل ایدیلن هر جان بوسوک کونلرده شدت واهمیتی بر درجه به قدر تخفیف ایتش واولکی غلیانلر مبدل سکون واعتدال اولغه باشلامشدر .

درنه مبعوثنک بیاناتی

المؤید غزته سندن :

کریک یمنده وکریک درنه ده فوق العادہ یارارقلر کوسترن بیکباشی عبدالقادر غنای پک طرابلسدن مصره کلش و بورادن استانبوله عزیمت ایتشد .

بو ذات یمنده کی مصادمات اثناسندہ بویوک بر اثر شجاعت وجسارت کوستریش و مشهور سنان پاشا موقعی آیلرجه مدافعه و محافظه به موفق اولش وبالاخره قوماندان عزت پاشا امدادینہ یتشمسیله محاصره دن قورتولمشدر . ایتالیا نلرک طرابلسه هجوملری اوزرینہ عبدالقادر بکله مصرلی عزیز علی پک

اعتبارہ آلمازلمی ؟ بر ملت ، بر حکومت ، بر دولت نه ایله قائمدر ؟ قوت ایله دگلی ؟

باقیکز کچنلرده یونانستانک آواروف زرهلسیله ایکی عدد طور . پیدوسی اسکندریه به کیتدیلمر . مصر طور براغنده نه قدر یونانلی وروم وارسه هپسی قوشدیلمر کلدیلر . حرب کیلرینی زیارت ایدرک کوکرتہ . لرینی اوچ یوز بیک (۳۰۰۰۰۰) مصر آلتونیلہ غرق ایتدیلمر . یونانلیلمرک بو قدر بویوک غیرت ملیت پروریلری بزه عبرت اولماسونمی ؟ ایشته بونلرینہ بر زرهللی پاره سی بایدیلمر دیمکدر . هله بوراده کی روملر آتینه نه قدر چوق بحریه اعانه سی کوندریورلر . الحیاق ایچین نه قدر چالیشدقلری میدانده در .

بز بونلری کوریور وکدرلر ایچنده یانوب قاوورویوروز . سکیز آیدن برو طرابلسده دائما شانلی مظفریتلر قا انیوروز . بو قدر مسلمانلر دین ووطن اوغرنده شهید اولیورلر . یمنه دونماسزلق یوزندن بونجه قازانچلریمز استفادہ سز قالیور ، بر ثمره سنی طادامیوروز . طیاره لرک قدرینی طرابلسیلر نه قدر آچی آکلادیلر ، که بو کونکی حاللریله برابر یمنه جان وماللریله چالیشیورلر و آتشر آره سنده طیاره اعانه سنه بیک اوچیوز یکرمی آلتون بردن ویریورلر . دونماسزلغک و طیاره سزلکک آجیسی دشمنلرک آیاقلری ایتندہ ازلن ، بی تاب و بی پناه قالان مسلمانلر چکیور ، الله سزلره نه طادتیرسون ونه ده چکدیرسون . بز کرید مسلمانلری بواسیر حالزله برابر کیجه کوندوز دونمای عثمانی ایچین چالیشمقده یز . شمدی به قدر قرق بش بیک فرانسز آلتونی اعانه منر طویلاندی . سزک او حق کلامی اولان مقاله لریکزه درت ال ایله صاریلدق ، چالیشیوروز . بو قدر وارداتمزہ قارشو چاره سز مصر قز طوی طوی اوچیوز سکسان فرانقندن عبارتدر .

رمضان شریف یا قلاشیور . مسلمانلرک عادتق زکاتلرینی رمضان دن آز اول ، صدقه فطره لرینی ده رمضانده ویریرلر . اما شمدی جائرمی ؟ دکل . بو عادت اولش . بو غیر جائر اولدیغنی بزه تمامیلہ مقاله لریکزلہ اکلاندیغکنز عادتلری براقلم . الله نزه به بویوردیسه اورایه ویرلم . اولمازمی ؟ بزه حج وز کاتندن اول اللهک عاجل امری قوه و دونمایه بویارلری هپ بردن ویرسه ک بر کونده دونماتمزہ عجبا قاج دانه زرهللی قاناردق ؟ بز بوتون کریلی مسلمانلر قادیسلریمزلہ چوجقلریمزلہ سزه رجارل ایدہ رز ، سز یازیکز وتشویقات مؤثره قطیبه دن آیریلکیز . دوام ایدیکز . مقاله لریکز رحمت حقدر . بز بوکا ایناندیق وایمان کتیردک افندم .

کرید (امضا محفوظدر)

بورجعت بالاخره منقلب هزیمت اولمشدر . دشمندن برخیلی قازما ، کورک وکلیتی مقدارده فشنگ اغتنام ایدلدی . مصادمه ورجعتده دشمنك خبلی تلفاتی واردر . پیاده و طوپچی محاربه سی دوت ساعت امتداد ایتشدر . ضایعاتن بش شهید ویکری اوچ بچر و جدن عبارتدر .

بنغازی :

۳ مایس . - سرجمندن وارد اولان معلوماته نظراً بنغازیده ایتالیانرك بر طابور پیاده بر آلائی سواری بر محرا بطاریه سی و بر زنجی مفرزه سی غربه طوغری ایلر و لنگری صروده دورله لریم طرفندن کوریلهرک مصادمه یه ابتدار ایله مزایه دشمن تلفات کلیه ایله رجعت و فراره مجبور اولمشدر . دشمن استحکاماته قدر تعقیب اولمش و کذرکاهده متعدد اجساد ایله سواری و پیاده سابقه لری ، زنجی صارقلری بولمشدر . مفرزه لرین دشمنك مستحکم خطوطنه قدر ایلرله یهرک بر چوق تاغراف و تلفون تلاری اغتنام ایلشدر . بو مصادمه ده تلفاتن یوقدر .

۱۷ مایس . - بنغازیده دشمنك قابل سوق برالونی ارده کاهره قدر یافلاشمش ایسه ده عسکریمز طرفندن آجیلان طوپچی آتشدن اورکرک عودت ایتشدر . دشمنك دها اول چیقاردینی طیاره بنغازی اردوگاهنه برقاچ بوما آتش ایسه ده ایراث ضرر ایدمه مشدر . آجیلندن و ایتالیانرك سوء معامله سندن بیتاب قالان بنغازی شهری اهالیسنگ برقسعی فرار یله اردوگاهه التحاق ایتشدر .

برکوجوک مفرزه من دشمنك فوتمان استحکامنه صوقولارق بردشمن سواری بولوکنه ایدیلن آتشدن ۴ سواری اتلاف ایدلشدر .

۱۹ مایس . - درنده برضابط کشف قولی استحکاماته قدر ایلرله مش وجوارده دشمنه تصادف ایتمه مشدر . صباح ایرکندن استحکاماتدن چیقان ایکی بولوک اوزرینه آتش ایدهرک دشمنه یگری قدر مقتول و اوقدرده مجروح ویردیرمشدر . بونك اوزرینه دشمن فرار ایتشدر . کذلاک لیل مذکورده ساحل جهته کوندریلن بر مفرزه من صباحلین یول انشایی ایچون چیقان دشمن پیاده سی اوزرینه اجرا ایتدیکی آتشله دشمنی دوچار تلفات ایتدیرمشدر .

طوبروه :

۱۱ مایس . - طبرقده دشمنك یکی انشا ایتکنده اولدینی استحکام قربنده بر مفرزه من طرفندن قوریلان پوصودن بردشمن بولوک اوزرینه آتش ایدلسیله برچاوش و دوت دشمن نفرینی مقتولاً تلف اولمش و بونك اوزرینه مذکور بولوک پریشان بر حالده فرار ایله مشدر . مفرزه من عودتده دشمنك قله سنده نوبت بکلین ایکی دشمن نفرینی دخی قورشونله اتلاف ایتشدر . ضایعاتن یوقدر .

۱۳ مایس کیچمه . - طبرقده ایلر و سوق اولنان بر مفرزه من دشمن طرفندن حفر اولنان آوجی سبرلنده پوصو قورارق کیجه یی اوراده کچیرمش و صباح ایرکندن بر یرلی فلاغوزی تعقیباً دشمنك برضابط قومانداسنده یگری کشلک بر مفرزه سی و بونك کیروسنده امنیت ترتیباتی آلان اوچ طاور پیاده سیله ایکی جبل بطاریه سی طبرقندن چیقارق ایلر و لنگه باشلامرله اول امرده باشده بولنان مفرزه اوزرینه آتش ایدیلهرک ضابط جرح و آلتی دشمن نفری قتل ایدلش و مفرزه منک بقیه افرادی برمدت یره یاتدقندن صوکره ضابطلرینی ترک ایله سورونه رک چکیلمکه باشلامشدر . متعاقباً استحکاماتدن باشلایان طوب و مترالوزر آتشنك حمانه سنده دشمنك کیروده کی طابورلری کوچک مفرزه منی احاطه ایتکنه شبت ایتشدر ایسه ده ورود ایدن قوه امدادیه دشمنه ایتشدن زیاده مقتول ویردیره رک اونی بر معتاد فراره مجبور ایتشدر . ضایعاتن جزئیدر .

بر ابرجه یمندن قره طریقله مصره و بورادن میدان حربه کیدوب کنیدی وطنی اولان بنغازی یه واصلت ایتدکن صکره اورانك اک بیوک و غلبه لک قبائلندن معدود اولان (بر اعصه) قبیله سی قوماندانلغی در عهده ایدرک مصادمات کثیره یه اشتراك ایلش و جمله سنده ده غالب و مظفر اولمشدر .

بوندن بشقه بو غیور مجاهد بوتون قبائل بیننده اتحاد و اتفاق تأسیسنه موفق اولهرق دشمنك انترقیه لری و سوء نیقی حقنده عربانی ایقراط ایتش و دشمنه قارشو شدله مقاومت لزومنی تلقین ایتشدر .

مشار الیهک بیاناتنه نظراً میدان حربده موجود اولان بالعموم عرب و ترک مجاهدلری قلیسج و قرآن اوزرینه مدافعه و محاربه یه دوام ایتک اوزره عهد و پیمان ایتدکری کبی خدانکرده دولت علیه عثمانیه یی اوروپا دولترلی صلحه مجبور ایتسه لر بیله طرابلس مجاهدلرینک ایتالیا آمانه سر فرو ایتیبوالی ماشاه حربه دوام ایده جکاری قرارلشدر ایتشدر . طرابلس مجاهدلری ایتالیانلری طرابلسک هر نقطه سندن قوغمدقنه سلاحلرینی لارندن بر اقبیه جقلردر .

میدان حربده بولنان عثمانلی ضابطانیله عسکرلری ده حین حاجتده عسکرلکدن استعفا ایدوب عرب قاردشدر بیله برابر دشمنه قارشو شبات ایده جکلرینه دائر عین ایتشدر .

مجاهدینك مالک اولدیلری ارزاق و اسلحه یه دائر اولان سو المزه ده «حمد اولسون مجاهدلریم هر شیئه مندولاً مالک بولنیورلر - هیچ بر شیئه محتاج دکلردر - حرب حاضر اون سنه دوام ایده جک اولسه بیله ینه مجاهدلریم هیچ بر وجه ایله صیقینی چکیمه جکلردر » جوابی ویرمشدر .

بنغازی

اسمى ياشا يانغینی . - بازار ارتسی کونی صباحی اسحق باشاده بیوک بر یانغین ظهور ایدرک یاتسویه قدر ۱۲ ، ۱۳ ساعت دوام ایتشدر . اطرافده کی محله لره ده سرایت ایدرک ۱۱۳۱ خانه ، ۱۱۷ دکان ، ۶ جامع ، ۴ مکتب ، ۳ حمام ، ۱ تریه ، ۲ مدرسه یا نوب کول اولدقندن صوکره انجق سوندریله بیلمشدر . بعض وفات و مجروحلرده واردر . جناب حق بالجمله ممالک اسلامییه یی آفات و مصائب کونی دن محافظه بیورسون .

اهلای مفاخر . - هر سنه برنجی قوصوه محاربه سی مظفر بونك یوم تحققی اولان بدی یوز طفسان برسنه سی جزیرانك اون آلتنجی کونی مشهده اجتماع ایدلسی خصوصنه مجلس وکلا قراریله اراده سنیه شرفتملق ایتشدر .

عثمانلی - ایتالیان محاربه سی :

آئیده کی معلومات دارالجهاده کی اسلام قوماندانلرینک اشعاری اوزرینه حربیه نظارتندن عثمانلی اژانسنه تبلیغ ایدیلشدر :

طرابلس غرب :

۱۷ مایس . - خمسه دشمن استحکاماته قریب محله بولنان بر پوصوده ایدیلن آتشله دشمن دوریه سندن ایکی کشی اتلاف اوچ کشی جرح ایدلشدر . بونلرک جسدلرینی قالدیرمه کلن مفرزه ده اوچ مقتول بر اقرق فرار ایتشدر . مؤخرأ دشمن بر بولک سسوقیله جسدلری قالدیرمش و شدتلی طوب آتشنه رغماً کوجوک مفرزه من سالماً عودت ایلشدر .

۱۸ مایس . - بوکش جهتنده دشمنك بش طابور پیاده بر بطاریه طوب و برطاقم مترالیوزدن صرکب قوتی ایکی قولدن هجوم ایلشدر . بو قوللردن بری جنوبه و دیکری عسکر منی احاطه ایچون شرق جنوبی یه طوغری ایلرله مشدر . دشمن قوللرینک ایلر و قوللرینه تصادف ایله محاربه یه باشلامسی عقیبنده قسم کلیمز محاربه یه یتشمش و سواریمز دشمن احاطه قولنی یاننه آلهرق هجومه قیام ایلشدر . بونك اوزرینه دشمن بدایتده مجبور رجعت اولمش ایسه ده